



Llywodraeth Cymru
Welsh Government

DATGANIAD YSGRIFENEDIG GAN LYWODRAETH CYMRU

TEITL Rheoliadau Mewnforion Bwyd a Bwyd Anifeiliaid (Diwygiad)
(Ymadael â'r Undeb Ewropeaidd) 2019

DYDDIAD 6 Chwefror 2019

GAN Rebecca Evans AC, Y Gweinidog Cyllid a'r Trefnydd

Rheoliadau Mewnforion Bwyd a Bwyd Anifeiliaid (Diwygiad) (Ymadael â'r Undeb Ewropeaidd) 2019

Cyfraith yr Undeb Ewropeaidd (UE) a ddargedwir sy'n cael ei diwygio

- Rheoliad (CE) Rhif 669/2009 sy'n gweithredu Rheoliad (CE) Rhif 882/2004 Senedd Ewrop a'r Cyngor o ran y lefel gynyddol o reolaethau swyddogol ar fewnforion bwyd anifeiliaid penodol a bwyd nad yw'n dod o anifeiliaid ac sy'n diwygio Penderfyniad 2006/504/EC.
- Rheoliad (UE) Rhif 284/2011 sy'n gosod amodau penodol a gweithdrefnau manwl ar gyfer mewnforio offer cegin plastig polyamid a melamin sy'n deillio, neu'n cael eu hanfon o Weriniaeth Pobl Tsieina a Rhanbarth Gweinyddol Arbennig Hong Kong, Tsieina.
- Rheoliad (UE) Rhif 884/2014 sy'n gosod amodau arbennig sy'n rheoli mewnforio bwyd anifeiliaid a bwyd penodol gan drydydd gwledydd penodol oherwydd risg halogiad gan afflatocsinau ac yn diddymu Rheoliad (CE) Rhif 1152/2009.
- Rheoliad (UE) 2018/1660 sy'n gosod amodau arbennig sy'n rheoli mewnforio bwyd penodol nad yw'n dod o anifeiliaid o drydydd gwledydd penodol oherwydd risg halogiad â gweddillion plaladdwyr, gan ddiwygio Rheoliad (CE) Rhif 669/2009 ac yn diddymu Rheoliad Gweithredu (UE) Rhif 885/2014.
- Rheoliad (UE) 2015/175 sy'n gosod amodau arbennig sy'n berthnasol i fewnforio gwm guar sy'n deillio, neu'n cael ei anfon o India oherwydd risg halogiad gan pentachlorophenol a diocsinau.
- Rheoliad (UE) 2015/943 ar fesurau argyfwng yn atal mewnforian ffa sych o Nigeria ac yn diwygio Atodiad I Rheoliad (CE) Rhif 669/2009.
- Rheoliad (UE) 2015/949 sy'n cymeradwyo gwiriadau cyn allforio ar fwyd penodol gan drydydd gwledydd penodol o ran presenoldeb mycotocsinau penodol;
- Rheoliad (UE) 2017/186 sy'n pennu'r amodau arbennig sy'n berthnasol i gyflwyno llwythi o drydydd gwledydd penodol i'r Undeb oherwydd halogiad microbiolegol a diwygio Rheoliad (CE) Rhif 669/2009.

- Penderfyniad 2011/884/UE ar fesurau argyfwng ynghylch reis wedi'i addasu'n enetig heb ei awdurdodi mewn cynhyrchion reis sy'n deillio o Tsieina ac yn diddymu Penderfyniad 2008/289/EC.
- Penderfyniad 2014/88/UE sy'n atal mewnfurion dros dro o fwyd sy'n cynnwys dail betel o Fangladesh.

Unrhyw effaith y gall yr Offeryn Statudol (OS) ei chael ar gymhwysedd deddfwriaethol y Cynulliad a/neu gymhwysedd gweithredol Gweinidogion Cymru

Bydd yr OS hwn yn cryfhau pwerau gweithredol Gweinidogion Cymru. Bydd yn trosglwyddo'r pwerau a'r dyletswyddau a roddir a'u gosod ar hyn o bryd ar y Comisiwn Ewropeaidd i Weinidogion Cymru mewn perthynas â Chymru. Bydd y swyddogaethau hyn, ymhlith pethau eraill, yn gofyn i roi gwybod i Weinidogion Cymru am adroddiadau sy'n ymwneud â gwiriadau o lwythi penodol sy'n dod i mewn i Gymru trwy Fannau Mynediad Dynodedig, Mannau Mewnforio Dynodedig a Mannau Cyflwyno Cyntaf. Bydd yr OS hefyd yn darparu bod gan Weinidogion Cymru wahanol bwerau a dyletswyddau ac a osodwyd yn flaenorol gan ddeddfwriaeth yr UE ar yr 'Aelod Wladwriaeth' generig. Bydd hyn, ymhlith pethau eraill, yn galluogi Gweinidogion Cymru i ddynodi Mannau Cyflwyno Cyntaf a chynnal rhestrau o'r manau hynny sydd ar gael yn gyhoeddus ac yn ei gwneud yn ofynnol iddynt gasglu ffioedd mewn perthynas ag unrhyw gynnydd mewn rheolaethau swyddogol sy'n ofynnol o dan Reoliad (CE) Rhif 669/2009. Ni fydd yr OS yn cael unrhyw effaith ar gymhwysedd deddfwriaethol y Cynulliad.

Diben y diwygiadau

Mae'r corff hwn o ddeddfwriaeth yr UE a ddargedwir, fel y'i diwygir gan y Rheoliadau hyn, yn nodi'r sail gyfreithiol ar gyfer rheolaethau mewnfurio domestig yn y DU ar gyfer y mwyafrif o fwyd nad yw'n dod o anifeiliaid ac yn sicrhau bod yr holl bwerau cywir yn eu lle i gynnal system reoli sy'n ymatebol i fgythiadau sy'n dod i'r amlwg.

Bydd y Rheoliadau hyn yn gwneud amryw welliannau technegol gan gynnwys:

- Hepgor cyfeiriadau at sefydliadau'r UE ac Aelod-wladwriaethau eraill a diwygio'r diffiniad o 'fan cyflwyno cyntaf', 'mannau mewnfurio dynodedig' a 'thrydedd gwlad'.
- Diwygio'r gofyniad bod rhaid llunio dogfennau mynediad, datganiadau a thystysgrifau iechyd yn 'iaith swyddogol yr Aelod-wladwriaeth neu yn un o ieithoedd swyddogol yr Aelod-wladwriaeth' fel bod rhaid iddynt gael eu cyflwyno yn Saesneg neu yn Gymraeg a Saesneg.
- Gwneud yn ofynnol i'r Awdurdod Diogelwch Bwyd (mewn perthynas â Chymru, yr ASB) gynnal a gwneud rhestrau cyhoeddus o Fannau Mynediad Dynodedig a Mannau Mewnforio Dynodedig.

Mae'r diwygiadau mwy sylweddol yn ymwneud â'r swyddogaethau a roddwyd yn flaenorol, yr 'Aelod-Wladwriaethau' a'r Comisiwn Ewropeaidd, yn y drefn honno. Dyma grynhoi'r newidiadau arfaethedig mewn perthynas â Chymru:

Trosglwyddo Swyddogaethau Aelod-wladwriaeth;

Ar hyn o bryd, mae deddfwriaeth yr UE sy'n ymwneud â mewnforio bwyd nad yw'n dod o anifeiliaid yn rhoi pwerau ar 'Aelod-wladwriaethau' mewn perthynas â swyddogaethau penodol, y mae'r DU wedi'u dirprwyo'n flaenorol i'r ASB. Yn dilyn y DU yn ymadael â'r UE, bydd cyfraith yr UE a ddargedwir yn cael ei diwygio i ddarparu'r swyddogaethau canlynol i Weinidogion Cymru:

- casglu ffioedd o ganlyniad i gynnydd mewn rheolaeth swyddogol fel y darperir ar ei gyfer yn Rheoliad (UE) Rhif 669/2009.
- dynodi manau cyflwyno cyntaf mewn perthynas ag offer cegin plastig o Hong Kong a Tsieina.
- cyhoeddi rhestr gyfoes o Fannau Cyflwyno Cyntaf a Mannau Mewnforio Dynodedig.

Trosglwyddo Swyddogaethau'r Comisiwn;

Ar hyn o bryd, mae deddfwriaeth yr UE yn trosglwyddo swyddogaethau i'r Comisiwn Ewropeaidd. Ar ôl i'r DU Ymadael â'r UE, caiff cyfraith yr UE a ddargedwir ei diwygio i ddarparu'r swyddogaethau hyn i Weinidogion Cymru, gan gynnwys;

- nodi bod yn rhaid i awdurdodau cymwys (awdurdodau lleol neu awdurdodau iechyd porthladdoedd) anfon adroddiadau ar lwythi penodedig i Weinidogion Cymru a'r ASB.
- Gwneud yn ofynnol i awdurdodau cymwys roi gwybod i Weinidogion Cymru yng Nghymru a'r ASB os bydd diffyg cydymffurfio yn cael ei nodi o ganlyniad i ddadansoddiad labordy a wnaed yn unol â Rheoliad (UE) Rhif 284/2011.

Gellir gweld yr OS a'r Memorandwm Esboniadol, sy'n nodi effaith bob diwygiad yma:

<https://beta.parliament.uk/work-packages/9Zv0Fn2Y>

Pam rhoddwyd caniatâd

Nid oes unrhyw wahaniaeth rhwng Llywodraeth Cymru/ASB Cymru a Llywodraeth y DU (ASB y DU) o ran y polisi ar gyfer y cywiriadau. Felly, byddai creu Offerynnau Statudol ar wahân yng Nghymru ac yn Lloegr yn arwain at ddyblygu, a chymhlethu'r llyfr statud heb fod angen. Bydd cydsynio i OS ar gyfer y DU i gyd yn sicrhau bod un fframwaith deddfwriaethol ar draws y DU sy'n hyrwyddo eglurder a hygyrchedd yn ystod y cyfnod hwn o newid. Dan yr amgylchiadau eithriadol hyn, mae ASB Cymru/Llywodraeth Cymru o'r farn ei bod yn briodol i Lywodraeth y DU ddeddfu ar ein rhan yn yr achos hwn.